


13. Ibu Sakit

Tulis sebuah cerita berdasarkan gambar berikut.



Kata bantuan:

sakit	mengemas rumah
tidak berdaya	memberi makan
memasak	terharu

Hari itu Ibu sakit. Ibu demam panas. Ayah pula terpaksa bekerja hari itu. Ibu tidak berdaya untuk memasak dan melakukan kerja rumah yang lain. Saya dan adik-beradik saya pun memikul tanggungjawab Ibu itu.

Pada hari itu, Kak Illah memasak dan membasuh baju. Saya dan adik saya, Zahara, pula mengemas rumah.

Setelah selesai tugas-tugas kami, kami pun memberi makan dan minum kepada Ibu. Setelah Ibu selesai makan, kami memberinya ubat untuk dimakan.

Ibu rasa terharu dengan tingkah-laku kami. Ibu berkata bahawa kami adalah anak-anak yang soleh. Kami sayang Ibu.

14. Bercuti ke Madrid

Tulis sebuah cerita berdasarkan gambar berikut.



Kata bantuan:

bercuti	ramah
kapal terbang	tingkap
pramugari	pemandangan

Hari ini, saya dan keluarga saya akan ke Madrid. Kami akan **bercuti** di sana. Kami akan ke sana dengan menaiki **kapal terbang**. Ini adalah kali pertama saya akan naik sebuah kapal terbang.

Di dalam kapal terbang tersebut terdapat beberapa orang **pramugari** yang sedang melayan penumpang-penumpang yang ada di situ. Mereka sungguh **ramah**.

Saya duduk di bahagian dalam tempat duduk itu, bersebelahan dengan sebuah **tingkap**. **Pemandangan** dari langit sungguh luar biasa.

Setelah beberapa jam berlalu, juruterbang pun membuat pengumuman bahawa kami akan tiba di Madrid sebentar lagi. Saya tidak sabar untuk memulakan percutian kami ini!